

愚

齋

存

稿

愚齋存稿卷第二目錄

奏疏二

補授大理寺少卿謝 恩摺

湘鄂粵三省紳商合請速辦粵漢鐵路摺

請飭調用中國工程師測勘湘路片

議立粵漢鐵路公司並密籌借款片

湖北鐵廠改歸商辦並陳造軌採煤情形摺

萍鄉煤礦請禁另立公司片

萍鄉煤礦派員總理片

籌集商捐開辦南洋公學摺

章程附

南洋公學附設譯書院片

新設各學堂學生請免歲科兩試片

籌辦中國通商銀行次第開設情形摺

遵旨瀝陳南北鐵路辦理情形摺

請派直督榮祿循案督率籌辦各路摺

盧漢鐵路比國借款續定合同摺

請飭部撥路款片

請飭各省積儲備荒並講求農學摺

愚齋存稿卷第二

奏疏二

補授大理寺少卿謝

恩摺

光緒二十三年十二月

奏爲恭謝

天恩仰祈

聖鑒事竊

臣

於湖北漢口工次恭閱邸鈔本月初一日

奉

硃筆盛宣懷補授大理寺少卿欽此跪讀之下感悚莫名當卽恭設香案望

闕叩頭謝

恩伏念臣萬里

觚稜未襲祠祀一年江漢甫告經營方深隕職之咎復荷

殊恩之錫雲官作貳

天眷懷承示薄海以大公恐難副廷尉持平之望環大瀛而嚮化復深慚五洲同軌之庥自揣庸愚難勝艱鉅臣惟有益殫心力勉赴程功庶王道之蕩平俾異域亦馳驅就範并措刑而弗用昭

盛時有雍睦之風效緜薄螳惴於涓埃答

高厚鴻慈之萬一所有

微臣

感激榮忭下忱理合恭摺

叩謝

天恩伏乞

皇上聖鑒謹

奏 二十四年正月初七日奉

硃批知道了欽此

湘鄂粵三省紳商合請速辦粵漢鐵路摺

光緒二十三年十二月

直督王鄂督張會奏

奏爲粵漢鐵路緊要三省紳商額請通力合作以保利權恭摺具陳仰祈

聖鑒事竊於光緒二十二年九月

臣宣懷赴

召議辦盧漢鐵路之時經總理衙門王大臣代奏設立總公司先造盧漢幹路其餘蘇滬粵漢等處亦准展造不再另設公司似此西北造路東南商股方能號召且可泯各國窺伺之心斷卻無數葛藤等語當蒙王大臣奏准公司自必合南北統籌始能展拓蘇滬粵漢亦當

次第舉辦等因仰見

朝廷俯采芻蕘無遠弗屆之至意現今幹路盧漢兩端均已開辦雖因部帑未能全撥洋債復多波折比國總工程司開春到滬卽應催令付款分頭趨辦臣宣懷並當親自督同工程司由鄂豫履勘以達

畿輔多分段落期於五年竣工所有粵漢南幹路原擬稍緩續籌無如時局日亟刻不及待羣雄環伺輒以交涉細故兵輪互相馳騁海洋通塞靡有定時今海軍旣無力能興設有外變隔若異域必內地造有鐵路方可聯絡貫通廣東財賦之區南戒山河未可遐棄此粵漢



南路所當與北路同時並舉者一也原議由粵至鄂擬繞道江西道里較湖南爲迂遠而形勢利益亦迥殊

臣

等與湖南撫

臣

陳寶箴函電互商該撫

臣

電稱國家創

興大政以立自強之基盧漢已行鄂粵繼舉江湘莫非王土豈能有所阻撓況湘人素懷忠義近來士紳尤多通曉時務不泥故見並據湖南在籍紳士翰林院庶吉士熊希齡江蘇候補道蔣德鈞來鄂與

臣

之洞

臣

宣懷

面商如取道郴永衡長由武昌以達漢口則路較直捷

湘中風氣剛勁他日練兵可供徵調礦產尤豐厚地利

亦可蔚興此粵漢鐵路之宜折而入湘者又一也茲據

湘鄂粵三省紳商聯名呈請會奏前來除鈔錄公呈分咨軍機處總理衙門查核外臣等深維時變莫測鐵路早成一日可保一日之利權多拓百里可收百里之功效粵漢南幹自應仍照原議與北路一氣呵成議由湖南以達武昌尤得致富致強之要領該三省紳商立意既同輿情已可想見自必眾志成城無所搖惑如蒙俞允應請

飭下兩廣督臣廣東湖南湖北撫臣與臣等隨時會商

妥議招集華股酌借洋債並選舉各省紳商設立分局購地鳩工認真辦理總之各省路權儘可各省紳商分

任路利自須公溥均霑而造路之本資借款抵押之辦法通行之章程必須盧漢粵漢一大幹路合爲一氣遞招遞墊遞修遞押遞借遞招展轉相生竭五六年之苦功若無意外之虞當可使南北幹路相爲銜接以符原議所有臣等接據三省紳商呈請趕辦粵漢鐵路以保利權緣由理合恭摺具陳伏乞

皇上聖鑒訓示謹

奏 二十四年正月初五日奉

硃批另有旨欽此

請飭調用中國工程師測勘湘路片

光緒二十三年九月直督王鄂督

張會奏

再湖南撫

臣

陳寶箴電商鐵路若經由湘境發端時便

須妥貼其要義全在勘路應請

明降諭旨飭下粵湘鄂各省遴委員紳兼派就地紳耆  
協同公司勘路風聲先播使知

國家重務事在必行辦理較易惟初勘路時暫不可用  
洋工師致啟疑謠而誤始基俟中國工師初勘定准經  
由何郡何縣再行明白曉諭將來帶領洋工師續勘造  
路自可妥洽等語

臣

等查出洋學生在外国學習鐵路

工程回中國後在津榆鐵路歷練多年可充工師者僅有詹天祐鄺景陽二員皆係粵人詹天佑現在津盧當差鄺景陽現在津榆管路湖南撫臣所請暫用中國工師初勘湘路除此二員實屬無人可派但詹天佑鄺景陽在津盧津榆必資得力自難遽歸粵漢調用而北路民情已久與洋人相習若添用洋工師二人以代華工師諒無窒礙應請

飭下督辦山海關內外鐵路大臣胡燏棻將詹天佑鄺景陽二員暫時調借數月發交湖南撫臣派員協同該二員將湘省應造鐵路之地測量勘繪先定大略規模

一俟事竣仍卽咨回此係爲慎重始基起見伏乞

聖鑒訓示施行謹

奏 二十四年正月初五日奉

硃批另有旨欽此

光緒二十四年正月初五日奉

上諭王文韶張之洞盛宣懷奏粵漢鐵路緊要三省紳商籲請通力合作以保利權並籌議借款各摺片現在時局日亟所有中國緊要枝幹各路除盧漢業經開辦外粵漢一路雖經總署王大臣奏明次第舉辦尙未定有切實規模自應豫爭先著若由湘鄂粵三省紳商自

行承辦仍歸總公司總其綱領實於大局有裨惟是造路之資本借款之辦法通行之章程必須與盧漢公司一氣貫注始可收通力合作之效著王文韶張之洞譚鍾麟譚繼洵陳寶箴許振禕隨時會商盛宣懷妥議招股借款各節並選舉各省紳商設立分局購地鳩工認真辦理各國如有以承辦此路爲請者卽由總署王大臣告以三省紳商自行承辦已有成議或可杜其要求此路貫湖南腹地銜接武昌不特取徑直捷練兵開鑛諸凡有益該大臣等當妥速開辦力任其難以收實效另片奏請暫用中國工師勘路等語詹天佑鄺景陽二

員已諭令胡燏棻暫時借調卽著陳寶箴派員協同該  
二員將湘省應造鐵路之地測量勘繪原摺著抄給譚  
鍾麟譚繼洵許振祿陳寶箴閱看將此諭令知之欽此



議立粵漢鐵路公司並密籌借款片

光緒二十三年十一月

直督王鄂

督張會奏

再總理衙門原奏蘇滬粵漢鐵路次第舉辦是南路在必辦之列氣脈方能貫通獲利方能還債處今之勢借款招股均屬繁難原非一蹴可幾惟目前德國無理肇衅占踞膠墨要害並獲承辦山東鐵路利益局勢頓變俄國已造路於黑龍江吉林以爲通奉天旅順之計法國已造路於廣西以爲割滇之計獨英人窺伺最久尙無所得目前必有效尤要挾占我路權之舉查今年春間英商屢來攬辦粵路堅持未允近日香港馬喇西字

報言英國所當急行者建造鐵路之利理應趕營中國中部或廣東建築軌道方不致落他人之後等語近有日本參謀部員宇都宮太郎密言英國所欲者大約一借款一修路一擬索香港對岸之深水埗等語英日現在聯交甚密英之陰謀日必深知證以洋報其爲覬覦粵漢鐵路確鑿無疑現在德已踞膠俄已留旅法已窺瓊英或有圖扼長江吳淞之謀是中國各海口幾盡爲外國所占江海之咽喉旣塞南北海道之氣脈復梗已成坐困之勢僅有內地尙可南北往來查漢口爲各行省南北東西水陸之樞紐若粵漢一綫再令英人造一

鐵路直貫其中將來俄路南引英路北趨雖有盧漢一路氣促權輕間隔於中無能展布且將來甚至爲英俄之路所併則是咽喉外塞腹心內潰雖欲講求練兵製械之法理財足國之方亦將無從著手豈惟不能自強恐從此中華不能自立時局危迫思之寒心惟有趕將粵漢一路占定自辦尙是補救萬一之法然則由粵入湘由湘通漢一路緩辦則必爲彼族强占之資急辦亦恐集資有限難於展布

臣

宣懷前擬盧漢鐵路借用美

債嗣以美商華士賓來華多方挾議遂中輟不得已

而謀諸比利時國雖權利不失可無後患而比係小邦

勢力甚微屢以未成之鐵路不足爲保滋其疑懼委曲遷就事甚勉強則粵漢借款斷宜另謀至英及法德無論何國承辦皆有大害擬函商駐美使臣伍廷芳就近仍與美國紳商籌議借款伍廷芳熟習外情又係粵籍度無不盡力而謀俟有規模再當隨時與王大臣電商請

旨核定現在已據湘粵鄂三省紳商議定合立公司呈請奏明先行立案以備抵制外人杜絕腹心之禍應請詔旨宣布准令總公司督同三省紳商迅速籌款辦理並請

飭下總理各國事務衙門立案如他國有以承辦粵漢鐵路爲請者卽明告以預准各該省紳民公司自行籌辦俾免枝節臣等實因時局危迫預杜外謀起見除已於昨日會同電奏外謹據實密陳不勝迫切待命之至伏祈

聖鑒訓示謹

奏 二十四年正月初五日奉

硃批該衙門知道欽此

源地方築造鐵路一條至水次計程三十餘里路成之後再籌展至長沙與幹路相接並先於沿途安設電綫消息靈通轉輸便捷繁費在一時收利在永遠此後取之不盡用之不竭漢廠卽可並開兩鑪大冶亦可添設鑪座至於大出土貨開造物無盡之藏以爲民生之利尤

朝廷廣闢地利之至意泰西富國之學之精義也鐵路電綫經過之地籲請

飭下江西湖南巡撫轉飭所屬地方文武隨時照料妥爲保護以副

國家維持鐵政之至意所有湖北鐵廠改歸商辦後情形及造軌採煤各事皆有端緒緣由謹合詞恭摺陳明伏乞

皇上聖鑒訓示謹

奏 本月二十六日奉

硃批另有旨欽此

光緒二十四年三月二十八日奉

上諭張之洞等奏陳明湖北鐵廠改歸商辦後情形一摺湖北鐵廠經該督等招商承辦現將造軌採煤各事力籌整頓已有端緒卽著照所議辦理所有鐵路電綫

經過之地著德壽陳寶箴轉飭地方文武妥爲保護另  
片奏萍鄉煤礦現籌開辦請援照開平禁止商人別立  
公司及多開小窿擡價收買等語著德壽卽飭所屬隨  
時申禁以重礦務張之洞等摺片著分別抄交德壽陳  
寶箴閱看將此各諭令知之欽此



萍鄉煤礦請禁另立公司片

光緒二十四年三月 鄂督張曾奏

再萍鄉煤礦現籌大舉開辦運用機器延訂礦師以及築路設綫工役繁難需費約百萬有餘收效在數年之後祇以鄂廠化鐵鍊軌事雖商辦實國之大政不得不先擲目前之鉅本以博將來可恃之焦煤惟中國商情向多見小利而忘大局誠恐萍煤運道開通經營有緒復有商人別立公司紛樹敵幟多開小窿擡價收買以壞我重費成本之局甚或勾引外人如上年湘省有串買礦山之事迨至察出根究挽回業已大費周折皆慮之不可不早防之不可不周者擬請嗣後萍鄉縣境援

照開平不准另立煤礦公司土窿採出之煤應儘廠局  
照時價收買不准先令他商爭售庶濟廠用而杜流弊  
相應請

旨飭下江西巡撫飭屬申禁此鐵廠全局利鈍所係謹  
附片具陳伏乞

聖鑒謹

奏 本月二十六日奉

硃批另有旨欽此

萍鄉煤礦派員總理片

光緒二十四年三月 鄂督張會奏

再萍鄉煤礦現籌大舉造端宏遠規畫繁難且築路設  
綫運用機器均需洋人非得曉暢中外情形兼備體用  
之員俾總其成不足以調馭協和相機施設查有湖北  
試用知縣張贊宸操履謹嚴幹事貞固條理精密才足  
肆應去年派充鐵廠提調講求整頓實力實心嗣令帶  
同礦師前赴萍鄉一再查勘於礦產運道開採機宜研  
求至悉當經派往萍鄉總辦煤礦一切事宜以專委任  
而責成效謹附片陳明伏乞

聖鑒謹

奏 本月二十六日奉  
硃批該衙門知道欽此

籌集商捐開辦南洋公學摺

光緒二十四年四月

奏爲籌集商捐開辦南洋公學情形恭摺仰祈

聖鑒事竊世變日棘庶政維新自強萬端非人莫任中外臣僚與夫海內識時務之俊傑莫不以參用西制興學樹人爲先務之急

臣於光緒二十二年冬間附

奏請設達成館片內曾經陳明在上海地方籌立南洋公學嗣以捐款難集而達成館之請已奉總理衙門王大臣等議覆應由戶部撥款辦理欽奉

諭旨飭遵又經

臣

奏明將原擬捐設達成館之款還充

南洋公學經費在案

臣

惟師道立則善人多故西國學

堂必探源於師範蒙養正則聖功始故西國學程必植基於小學中外古今教學宗旨本無異同特中土文明之化開闢最先歷世愈遠尙文勝質遺實採華而西人學以致用爲本其學校之制轉與吾三代以前施教之法相闇合今日禮失而求諸野講西學延西師學堂之規模近似矣然臣前年創設天津頭二等學堂旁求教習招選學徒大抵通曉西文者多懵於經史大義之根柢致力中學者率迷於章句咕嚕之迂途教者旣苦乏才學者亦難精擇竊喟然於事半功倍之故蓋不導其源則流不可得而清也不正其基則構不可得而固也

初議籌設南洋公學擬照天津分設頭二等兩學堂繼  
念京師達成館未有開辦之期滬館雖無所依倣不可  
不先行設法籌辦況師範小學尤爲學堂一事先務中  
之先務旣病求艾相需已殷急起直追惟虞弗及查有  
奏調三品銜分省補用知府何嗣焜學術湛深不求聞  
達臣與縱論西學爲用必以中學爲體考核程功次序  
極爲精邃志氣尤堅卓不致始勤終惰當經派委該員  
總理南洋公學事務卽於上年二月開考選成材之士  
四十名先設師範院一學堂延訂華洋教習課以中西  
各學要於明體達用勤學善誨爲指歸復倣日本師範

學校有附屬小學校之法別選年十歲內外至十七八歲止聰穎幼童一百二十名設一外院學堂令師範生分班教之比及一年師範諸生且學且誨頗得知行並進之益外院生亦多穎異之姿能志於學今年復將二等學堂先行開辦名曰南洋公學中院以次續開頭等學堂名曰南洋公學上院上中兩院之教習皆出於師範院則駕輕就熟軌轍不慮其紛歧外院之幼童洊升於中上兩院則入室升堂途徑愈形其直捷師範院諸生挑充教習至速以一年後爲準外院生分四班滿三年挑升中院之四班中上兩院各分四班歲轉一班閱



八年而卒業夫人才盛衰之機全視在上之取舍伏查  
光緒二十三年二月安徽巡撫鄧華熙奏建二等學堂  
總理衙門議覆摺內有云所稱頭等學堂教習誘掖生  
徒精益求精應如何優以仕途各節查同文館學生每  
屆三年大考一次擇其學業精進考取前列者量予保  
獎或分部學習或分發省分或由出使大臣調充參贊  
繙譯等官近且有徑請

簡派出使大臣者仕途不爲不優又各教習殷勤講授  
應照新疆設立俄文館章程分別有無官職奏請獎敘  
各等語均經核准欽遵今

皇上復准總理衙門禮部議奏定經濟特科歲舉之制俾天下新設學堂書院所教有用之學皆得學成而各盡其用宇內學子莫不爭自濯磨竊惟時事之艱大無窮君子以致遠爲重環球各國學校如林大率形上形下道與藝兼惟法蘭西之國政學堂專教出使政治理財藩四門而四門之中皆可兼學商務經世大端博通兼綜學堂係士紳所設然外部爲其教習國家於是取才臣今設立南洋公學竊取國政之義以行達成之實於此次

欽定專科實居內政外交理財三事嗣後每年年終大

考後當將學生名籍及考定等級詳細造冊咨送各該  
省學政存候鄉試年分調取錄送惟各教習不乏體用  
兼該之選職在課徒調取不及施教至勞榮途轉隘擬  
請將此項教習內願應經濟科歲舉者由臣出具切實  
考語咨請學政錄送其本係舉人准與經濟科舉人一  
體應經濟科會試此外擬仍請援照新疆設立俄文館  
章程暨同文館學生大考前列章程三年期滿由臣會  
同南洋大臣江蘇巡撫擇教誨有方造就最廣者分別  
保獎以仰副

聖主甄陶才俊之至意至公學四院常年經費以輪電

兩局歲捐銀十萬兩量入爲出僅可相當雖初辦兩年內上院未開約可節存銀五六萬兩惟開辦之費除學堂基地由臣捐購外其餘建造房屋置備儀器圖書以及一切器具共需十數萬金初擬勸捐辦理近來商民交困物力艱難似茲鉅款未易集腋而成祇能先將節存餘款動用計不敷之數尙多而將來如辦理譯書之費旣在常年經費之外卒業學生出洋遊學之費亦當預儲於八年之內未有設措之方也謹將現定公學章程繕具清單恭呈

御覽所有籌集商捐開辦南洋公學緣由理合恭摺具

陳伏乞

皇上聖鑒訓示謹

奏 五月十九日奉

硃批該衙門知道單併發欽此

謹將南洋公學章程恭呈

御覽

計開

第一章設學宗旨其二節

第一節西國以學堂經費半由商民所捐半由官助者  
爲公學今上海學堂之設常費皆招商電報兩局眾  
商所捐故定名曰南洋公學

第二節公學所教以通達中國經史大義厚植根柢爲  
基礎以西國政治家日本法部文部爲指歸略倣法  
國國政學堂之意而工藝機器製造鑛冶諸學則於

公學內已通算化格致諸生中各就質性相近者令其各認專門略通門徑卽挑出歸專門學堂肄習其在公學始終卒業者則以專學政治家之學爲斷

第二章分立四院其二節

第一節一曰師範院卽師範學堂也二曰外院卽日本師範學校附屬之小學院也三曰中院卽二等學堂也四曰上院卽頭等學堂也

第二節師範院高才生四十名外院生三班一百二十名中院生四班一百二十名上院生一百二十名  
第三章四院學生班次等級其二節

第一節師範生分格五層第一層之格曰學有門徑材堪造就質成敦實趣絕卑陋志慕遠大性近和平第二層之格曰勤學誨勞撫字耐煩碎就範圍通商量先公後私第三層之格曰善誘掖密稽察有條理解操縱能應變第四層之格曰無畛域計較無爭無忌無驕矜無吝嗇無客氣無火氣第五層之格曰性厚才精學廣識通行正度大心虛氣靜外中上三院學生各分四班每班三十人

第二節師範生合第五層格准充教習外院生至第一班遞升中院第四班中院生至第一班遞升上院第



四班上中下三院學生皆歲升一班

### 第三章學規學課一節

日本學校規則及授讀之書皆由文部省酌定頒行但其初亦屢試屢改然後定爲令式公學課程參酌東西之法惟其中層累曲折之利弊必歷試而後能周帀師範院外院課程一年之內已屢有更定應由總理與華洋教習逐細再加考核釐爲定式

### 第四章考試共三節

第一節每三月小試總理與總教習以所業面試之

第二節周年大試督辦招商電報兩局之員會同江海

關道員親試之

第三節上中外三院學生未卒業之日均不應學堂外各項考試惟師範院及上中兩院高等學生經學政調取錄送經濟科歲舉者不在此例

第五章試業給據其三節

第一節師範院生考取後給試業白據進院試業兩月察其合第一層格換給第一層藍據第二層綠據第三層黃據第四層紫據第五層紅據遞進遞給

第二節外院生考取進院試業兩月去其不可教者質性可造者給予外院生肄業據遞升中院給予中院

生肄業據遞升上院給予上院生肄業據

第三節上院生四年學成給予卒業文憑

第六章藏書譯書其二節

第一節公學設一圖書館調取各省官刻圖籍其私家所刻及東西各國圖籍皆分別擇要購置庋藏學堂諸生閱看各書照另定收發章程辦理

第二節師範院及中上兩院學生本有繙譯課程另設譯書院一所選諸生之有學識而能文者將圖書館購藏東西各國新出之書課令擇要繙譯陸續刊行

第七章出洋遊學一節

上院學生卒業後擇其尤異者資送出洋照日本海外留學生之例就學於各國大學堂以擴才識而資大用

第八章教員人役名額共四節

第一節南洋公學總理一員華總教習一員洋總教習一員管圖書院兼備教習二名醫生一名

第二節師範院並外院洋教習二名華人西文西學教習二名漢教習二名司事四名齋夫雜役二十名

第三節中院華人洋文教習四名洋文幫教習四名漢教習四名幫漢教習四名稽察教習二名司事二名

齋夫雜役十六名

第四節上院專門洋教習四名華人洋文教習四名漢教習四名稽察教習二名司事二名齋夫雜役十六名

南洋公學附設譯書院片

光緒二十四年四月

再時事方殷需才至亟學堂造士由童幼之年層累而進拔茅連茹勢當期以十年欲速副

朝廷側席之求必先取資於成名之人成材之彥

臣

是

以有達成館之議也顧非能讀西國之籍不能周知四國之爲而西國語言文字殊非一蹴可幾壯歲以往始行學習豈特不易精嫻實亦大費歲月日本維新之後以繙譯西書爲汲汲今其國人於泰西各種學問皆貫串有得頗得力於譯出和文之書中國三十年來如京都同文館上海製造局等處所譯西書不過千百中之

十一大抵算化工藝諸學居多而政治之書最少且西學以新理新法爲貴舊時譯述半爲陳編將使成名成才者皆得究極知新之學不數年而大收其用非如日本之汲汲於譯書其道無由矣現就南洋公學內設立譯書院一所廣購日本及西國新出之書延訂東西博通之士擇要繙譯令師範院諸生之學識優長者筆述之他日中上兩院傳才亦可日分晷刻輪遞從事以當學堂繙譯之課獲益尤多譯成之書次第付刻倘出書日多卽送蘇浙各書局分任刊印以廣流傳所需譯書院經費卽在公學捐款內通融撥用並歸總理公學之





新設各學堂學生請免歲科兩試片

光緒二十四年四月

再南洋公學內師範院諸生多係舉貢生監而廩增附  
生爲尤多中上兩院學生亦不乏名列膠庠之士學堂  
功課日計歲積不容閒曠惟學官弟子例有歲科兩試  
若於試期相率而去則師範院學堂幾空不特外院生  
教課乏人卽師範生籍隸數省就試往返遠者動輒累  
月近者亦須連旬中西各課精進難而荒廢易一暴十  
寒卒業何日竊惟

國家立法之意歲試以考學行科試以備鄉舉無非獎  
勤警惰俾不至業荒於嬉今諸生之在學堂者日有課

月有稽季有試年終有大考冊報學政按籍可稽此項  
學生將來大抵皆應經濟之科鄉試年分學政照冊報  
高等調取錄送至三年中歲科兩試似不同告朔餼羊  
必當空存其禮擬請嗣後新設各學堂書院內學生凡  
係廩增附生一體免預歲科兩試使得專精新學以仰  
副

朝廷育才致用之至意謹附片陳請伏乞

聖鑒訓示謹

奏 五月十九日奉

硃批著照所請禮部知道欽此

籌辦中國通商銀行次第開設情形摺

光緒二十四年四月

奏爲遵

旨籌辦中國通商銀行次第開設情形恭摺仰祈

聖鑒事竊

臣奉

命招商倡辦中國銀行節經招集紳商備足股本參照西國銀行成法議擬章程商請總理衙門王大臣逐款覆核折衷一是並會同北洋大臣直隸總督臣王文韶湖廣總督臣張之洞議覆銀行利弊情形並由南北洋稽查以保利權奏奉

俞旨欽遵於光緒二十三年四月二十六日開辦上海

總行自夏徂冬天津漢口廣州汕頭煙臺鎮江等處分行陸續開設京城銀行本年亦已開辦此後自

王畿以迄各通商碼頭泉府機括血脈貫通或不至盡爲洋商所把持至各行省都會地方亦當逐漸分設近年金鎊翔貴銀幣低壓百物騰踊輪轉窒滯如上海通商總匯之區而銀根空匱商情岌岌皆有不可終日之危幸通商銀行主持市面銀息雖昂猶稍有限制得以勉爲支柱中國銀行大路椎輪規模草創故裨補於商務收效於桑榆者必須由漸而來蓋由倣辦於各國銀行在華開設之後如匯豐之設已三十餘年氣勢旣盛

根柢已深不特洋商款項往來網羅都盡中行決不能  
分其杯羹卽華商大宗貿易亦與西行相交日久信之  
素深中國銀行新造之局勢力未充非可粉飾鋪張驟  
與西人爭勝故臣原議以慎始圖終積小成大爲宗旨  
今者勦辦一年始基已立自此擴充中土之商力收回  
自有之利權其樞機必視京外撥解官款是否皆歸通  
商銀行爲旋轉若各省關存解官款仍循舊轍專交私  
家之銀號絕不與奉

旨設立之銀行相涉則商政之體全失西人騰笑華人  
增疑海內商情孰肯信嚮所關於商務大局非小也

臣

惟今日之事凡有興舉期利

國家查銀行於

國家有無形之利有有形之利氣脈流通商民交便利  
在無形餘利愈厚歸公愈多利在有形

微臣

原奏言之

已詳非特

國家主持於上公忠閣達之督撫藩司各關監督維持  
於下無以徐收兩利宏此遠謨合無仰懇

敕下戶部通行各省關嗣後凡存解官款但係設有中  
國通商銀行之處務須統交銀行收存匯解以符事體  
而樹風聲及其成效大著則如昭信股票以及造路開

礦凡有招股之事皆可倣照西國歸於銀行代辦較之  
官力號召自無扞格猜疑之弊是以泰西及日本國家  
莫不重視銀行力爲扶翼夫欲富國必興商務欲興商  
務首重銀行但茲事繁難斷非微臣心力之所能及也  
所有籌辦中國通商銀行次第開設緣由謹恭摺具陳  
伏乞

皇上聖鑒訓示謹

奏 五月二十日奉

硃批戶部速議具奏欽此

遵

旨瀝陳南北鐵路辦理情形摺

光緒二十四年五月

奏爲籌造南北鐵路時屆年半遵

旨將辦理情形先行奏陳恭摺仰祈

聖鑒事竊

臣

恭閱邸抄光緒二十四年五月初八日內

閣奉

上諭前因盧漢開辦鐵路設立招商公司特派盛宣懷  
督辦計時將及兩年所有勘路購地各事宜應已辦有  
端緒此項鐵路關係緊要豈容觀望遷延現在業已籌  
有的款著盛宣懷剋日興工趕辦並將辦理情形先行  
具奏倘再延不開辦玩誤要工責有攸歸盛宣懷豈能



當此重咎耶此外粵漢甯滬各路並著承辦各員一體  
迅速開辦毋得任意遲緩欽此仰見

聖主以幹路爲重要策勵責成嚴申

訓誠俾海內咸迴視易聽曉然於

朝廷先務之所急圖功之奮迅跪聆之下感悚交深伏

查盧漢幹路臣於光緒二十二年九月奉

命會同直隸督臣王文韶湖廣督臣張之洞辦理是年

十月

陛辭出都十一月由天津航海至滬當將開辦盧溝橋  
至保定府一段工程並在上海設立鐵路總公司緣由

先後

奏報二十三年三月在漢口工次籌辦漢口迤北勘路  
購地各事又將幹路先後次序操縱機宜會摺密陳並  
請發准借官款聲明盧保業經興築淤澗亦在開工此  
兩段來年均可造成九月閒又將幹路由楚入豫詳勘  
襄樊信陽兩道比較便利會摺請

旨遵行聲明北端盧保一段土工已竣料物陸續運購  
到工年內外可開車運料一面派員續籌保定至正定  
一段買地事宜南端漢口至孝感一段已儲備木石各  
料墊道造橋均仰荷

飭下戶部總理衙門議行在案綜計開辦以來一年有  
半臣無日不督飭華洋員司分頭勘路按圖購地講求  
料物催趲工作並在津漢各設鐵路專門學堂及預籌  
製造各廠不敢稍涉遷延今盧保已開車運料年內全  
工可竣淞滬月內告成漢口滬口開外江內湖數十里  
工最艱鉅夏漲以前甃石築土亦皆藏事幸與前奏均  
符然保定迤南滬口迤北未能兼程並進者則籌款之  
周折而事變之不及料也總公司原以招集商股爲歸  
宿但華商須待工成利見而後來臣經辦輪船電報前  
事不忘近如昭信股票以

明詔之剴切官吏之勸諭所得者自服官之人及官力  
可及之鹽當各商外商民買票寂乎罕聞尤可與樂成  
難與圖始之明驗臣說帖原議故先官款次洋債而商  
股後焉盧漢議准借撥部款一千萬嗣會奏請發戶部  
先撥四百萬連南北洋官款三百萬支付盧保淞滬漢  
滬三段工用業已告罄臣惟路工的款必資洋債而遲  
速難易之權操於出借之人且洋商與中國議借款明  
餌暗索向多以利爲誘臣與王文韶張之洞商定議借  
路款首除斯弊惟我旣無私利之心當多爭公中之利  
彼不能挾制於後愈不肯遷就於前初與美商議病其

所索權利過多繼及英商相去不遠臣以事關數十年之利害深慮借款喫虧還款不易筆禿脣焦未敢遽定上年春間馳赴武昌與張之洞面決機宜適有比商瑪西等介漢口比領事就議特向與英美力爭數大端相要比商皆允如議張之洞與臣密商比以鋼鐵工作著名國小而無大志借用比款利多害少遂舍英美而就比兩次定約均達

天聽至正月首次交款之期比國派人來滬備言膠州之事大局震動且國債以鹽課釐金抵押歸稅務司管理於前訂之盧漢借票相形見絀無人肯受另送續約

條款要索甚多屢駁屢改拖延數月至與廢約罷議而後轉圜逮五月初七日始與畫押其間委曲艱難情形隨時皆與總理衙門王大臣及直隸湖廣督臣往返電商迄於無可讓減方與定議並已會同專奏皆在

聖明洞鑒之中比國總工程司俞貝德赴漢口查勘已做各工訂定頭批借款到華卽行接續續辦由楚入豫節節前進保定以南迄於黃河北公司必須俟來年續付借款方能接造然圈地築土皆當先期趕辦俟續發部款剋日分段購築約計一年道工堅實比款續到接造北段庶幾工無停待一氣呵成臣令該總工程司另

立文憑除黃河橋工外如無意外擔擱款不中輟限令  
三年竣工行車粵漢一路自鄂至湘業經督撫臣派員  
會同總公司派出之員前往查勘大略並曉諭一切惟  
粵省尚未准委員會勘美款甫定草約而西班牙開戰  
美公司稍有所待昨接駐美使臣伍廷芳來電該公司  
派人過夏後來華勘估全工須俟勘定議立正約即可  
分頭開工美國路工甲於各國諒無耽延滬甯一路英  
國工程司勘估大概將竣正約一定開辦必速以今日  
中國之勢借外國之款而又要之以商借商還絕無實  
抵不待智者而知其難也紆迴年餘鉤心鬬角三路之

款次第就範卽三路之工操券可成此皆仰賴

國家之護持總署王大臣之指示非

臣

一人筆舌之勞

所能倖致至於造路以費省工速爲主

臣

初任事亦欲

僱用洋工程司任我指使而不假以事權無如中國員

司就使皆精白乃心究竟事非諳習華人苦工師之多

方挑剔工師咎華人之辦理兩歧常致欲速而反遲求

省而轉費是以獨排羣議與立約各洋商堅明約束酌

訂限期借用某國之款卽訂用某國總工程司代爲營

造年限之內其事權略如海關稅務司一切購料辦工

用人理財悉資經理仍事事預請總公司核定而後行



此後三路同舉合同內皆限以款到之日爲始三年工

竣臣前與王文韶張之洞會奏盧漢粵漢合爲一氣竭

五六年之苦功當可使南北幹路相爲銜接以符原議

等語蓋三路係分三國借款營造緊約寬期互相比較

則一成而無不成也惟臣植薄能鮮憂讒畏譏雖竭盡

心力而爲之恐難勝此艱鉅必需遴舉賢能各專一路

之任與各國工程司按約辦理而以總公司掣其綱領

綜其大成又必恃各省督撫臣體

國公忠同心協力庶幾事無阻格依期蒞工上紓

聖人宵旰之勤下免微臣貽誤之咎大局幸甚微臣幸

甚所有籌造南北鐵路辦理情形謹先繕摺具陳伏乞  
皇上聖鑒訓示謹

奏 六月初十日奉

硃批另有旨欽此

請派直督榮祿循案督率籌辦各路片

光緒二十四年五月

再光緒二十二年九月欽奉

寄諭准設鐵路總公司令盛宣懷督辦從盧漢辦起蘇  
滬粵漢亦次第擴充仍著王文韶張之洞督率興作等  
因欽此伏查直隸爲幹路根本之地北洋尤中外樞轂  
所歸現在王文韶已蒙

內召榮祿以使相接任公忠閣亮實副綱紀四方之望  
所有鐵路總公司辦理盧漢甯滬粵漢各路相應籲懇  
特派榮祿循案督率籌辦俾

微臣

隨時隨事有所咨承

庶得竭其駑鈍成此鉅工尤深感幸謹附片陳請伏乞

聖鑒謹

奏 六月初十日奉

硃批另有旨欽此

光緒二十四年六月初十日奉

上諭盛宣懷奏籌造南北鐵路辦理情形一摺覽奏均悉所稱三路分三國借款營造緊約寬期互相比較洵爲扼要之論並歷陳委曲艱難各節亦屬實在情形惟是作事謀始必須力任其難不辭勞怨方能日起有功該大臣膺茲重任務當力持定見與各洋商堅明約束會同榮祿張之洞迅速籌辦使三路合爲一氣南北相

爲銜接提綱挈領勿分畛域以期剋日觀成毋得意存  
推諉空言搪塞致負委任將此諭令知之欽此

盧漢鐵路比國借款續定合同摺

光緒二十四年六月直督榮鄂督張會奏

奏爲盧漢鐵路比國借款續定合同恭摺仰祈

聖鑒事竊盧漢幹路前由總公司籌借比國商款上年四月先在武昌簽立草約六月比公司續派德福尼愛蘭來滬續定正約均經會同

奏准在案嗣以德人膠州之役中國之情勢各國之意向皆有變更比人緣此翻議頭批銀兩遂逾期不付續送條款多與前議相背

臣

宣懷堅持痛駁示將決裂時

有法國駐京公使照會總理衙門稱此款有法國銀行工廠所出資本顯欲干預當以中國公司議借比國公

司之款理不應牽涉國勢受其挾持法使所稱爲合同所不載總公司不應答覆臣宣懷卽於本年閏三月初八日函致比公司代理人俞貝德罷議並呈明總理衙門照錄來往各電送請查核旋承准總署電云已與法使議定不再扛幫比使電令領事妥商正可相機因應此次議妥當不至再有反覆等語比使電請續議至再至三臣等伏念借款造路各國所索權利莫不因國勢以爲輕重比於膠事後續請各款照去年原約加增甚多照英美草約不相上下臣宣懷與該公司逐條爭論數十次絲毫不肯減讓拖延半載無可再議若與他國

另商權利仍與此無異且恐俄法必乘其後更難收束不得已體會總署相機因應之指准令俞貝德代比公司再送條款其尤要者在以鐵路所生之利歸還借款本利若有不敷中國必須設法彌補斷斷堅執牢不可破平心而論中國借外國之債無論官商斷不能諉卸不還要在總公司通籌幹枝互相挹注並就鐵路推廣生利務使足敷還債而已但所定條款窒礙太多者亦萬萬不能曲徇均已逐細駁改內惟過期未還借款抵完關稅一條在我爲必不可行在彼則索之尤切力拒不允磋磨至極然後刪去當與議定續約二十九條內



惟兩公司設有爭執請公正人評斷一條比公司必欲註明請賣票最多之國之公使評斷臣宣懷執定武昌合同第十四款總公司專認比公司不認別國一條力予刪駁並將比使來電鈔呈總署五月初七日承准電覆費使面稱公斷一條可改寫如有爭執由總署比使商請公正人評斷另函聲明宜請股票最多國之公使云我雖專認比公司聞款由法國轉借若本利有欠法國不能無詞事已無可再議應先與畫押再行會同奏咨等因遵於五月初八日在上海總公司由臣宣懷先與畫押並另給一函除鈔錄咨呈總理衙門查核外謹

將盧漢鐵路比國借款續定合同暨另函底稿繕具清單恭呈

御覽臣等謹合詞恭摺具陳伏乞

皇上聖鑒訓示謹

奏 本月二十四日奉

硃批依議欽此

請飭部續撥路款片

光緒二十四年六月  
督張會奏

直督榮鄂

再盧漢鐵路議准撥借部款銀一千萬兩上年夏間經戶部先撥銀四百萬兩俾資應用自盧溝橋至保定吳淞至上海漢口至灤口三段先後開工陸續撥付購地購料勘路築路各款所有部款四百萬連南北洋官款三百萬現已支用垂罄臣宣懷說帖第三條以先借官款後借洋債最後集商股爲次序臣等上年三月密陳籌辦幹路機宜聲明無論議借何國路債必須先用華款後用洋債庶可權自我操均蒙

聖明洞察故比款合同雖屢變其議而必以總公司已

有股本一千三百萬一節爲準的現在比款已定總工  
程司俞貝德已赴漢口布置接辦按照議定條款今年  
祇能趕辦漢口至信陽一路其北段由保定南抵黃河  
亟須先由總公司分段購地採石趲築土工俟其堅實  
明年南路軌道就緒接做北路俾無間曠相應籲請  
飭下戶部將未發部款卽行續撥以符原議而速程功  
免啟比人藉口遲誤之端不勝激切之至

臣

等謹附片

陳請伏乞

聖鑒施行謹

奏 本月二十四日奉

硃批該部議奏欽此

請飭各省積儲備荒並講求農學摺

光緒二十四年九月

奏爲足食備荒根本至計請速籌積儲以固邦本恭摺  
仰祈

聖鑒事竊惟國以民爲本民以食爲天古聖王保民治  
國之經必汲汲於九年三年之蓄誠以師旅每加於饑  
饉盜賊常起於啼號但使倉有紅陳無憂乎凶歲無患  
乎流亡人心固結不可動搖雖有敵國外患皆多難興  
邦之資也往者光緒三四年晉豫奇災方數千里道殣  
相望其時臣與江浙同志蒿目痛心始倡爲義振之舉  
自時厥後各省水旱頻仍乃無虛歲北災未澹南飢又

告東振方急西粟待移迄今二十餘年勸捐之策已窮  
集腋之力久竭而天下之呼籲於義振者接踵而至欲  
罷不能夫常平義社各倉之制今非異於昔也髮捻諸  
逆俶擾之後戶口非多於昔也何以昔之時雖有災而  
不爲害今之時一遇歉而不可支耶比年義振同人周  
歷各省始知各處倉穀侵挪虧蝕十邑九空故歲偶不  
登動輒請蠲請振度支竭蹶鉅款難籌卽有撥發散之  
編戶所得幾何況災區赤地鄉無蓋藏遠方購糧緩不  
濟急重以轉運奔走之消耗胥吏奸僧之侵欺實惠逮  
於遺黎者固十無一二矣本年江浙之閒因前歲秋收

稍歉糧價翔踴斗米幾近千錢議及發倉大半虛有其籍以致平糶搶米紛紛滋事江浙爲義振所自出以各省仰望之地亦有自顧不暇之憂襟江負海萬一海饑此尤非細故也今年江浙兩省仰賴

皇太后

皇上聖德感召雨暘時若秋稼可慶豐收直省雖閒有偏災大抵亦多告稔擬請

敕下各省督撫督飭所屬將原有倉穀及時悉數買補足額其有向無倉穀之處亦卽設法籌辦一面勸諭紳民仿社倉之意自謀積蓄取富歲之盈濟歉歲之乏民



自捐辦毋假吏胥其如何查驗稽察出陳易新之法尤當因地制宜惟愚民恆顧目前鮮有遠慮必須官長曉以利害懸格董勸乃克有濟前河督臣任道鎔歷官江西浙江直隸山東諸省皆各責成州縣民捐民辦一省積至數十萬石以至百餘萬石其後荒歲頗賴補苴各省苟能參酌任道鎔所辦章程推行不懈必能使州縣皆有粟支十年之效則海宇必無飢潰一旦之虞伏惟聖明俯垂聽採抑臣以爲籌備積儲有節流開源二端亦必當相輔而行者從前海禁未開豐歉相資挹彼注此中土所產之穀足養中土所有之民自各口通商東

瀛南溟帆輪如織吳越之米出洋相屬卽如今夏東南  
魚米之鄉至乞糶數千里之外以救朝飢而長崎神戶  
諸埠華米委積常數百萬石奸商牟利禁令徒懸源已  
涸而流不止其竭可立而待現在公私之儲悉索俱罄  
一歲之有秋未足補歷年之缺乏若收穫之後漏洋如  
故恐庚癸之呼長此無極似宜由江海各關無論輪船  
帆船嚴申運米出口之禁此節流之一端也自古農有  
上中下之分攷之周官於農功田事專官經理至纖至  
屑故一夫之所耕一畝之所獲善否輒相去倍蓰唐宋  
以還力田不與孝弟同科農學久廢南省土膏沃衍兵

燹之後地利猶多未盡西北土曠農情高原大陸蕪廢尤多西人極重農務設學講求以格致化學之理盡農圃種植之利確有明效今

朝廷深知農政之要已飭各直省設局勸辦禮失求野亟宜參酌西法大興農學以復吾先聖先王之舊制一夫皆可食九人復安有阻飢之患哉此開源之一端也芻蕘之愚謹繕摺具陳是否有當伏乞

皇太后

皇上聖鑒謹

奏 本月十九日奉

硃批另有旨欽此

光緒二十四年九月十九日奉

諭旨盛宣懷奏請速籌糧儲以固邦本一摺倉儲爲民食攸關迭經降旨諭令各督撫嚴飭地方官實力舉辦以備災歉茲據該京卿奏稱近來州縣辦理正供往往視爲具文甚至侵吞虧蝕十邑九空一遇偏災請蠲請賑緩不濟急似此任意玩泄罔恤民艱實堪痛恨著各直省督撫督飭州縣將原有倉穀悉數買補足額其素無倉穀之處亦卽設法籌辦按年查驗除陳易新具報存倉實數至設局講求農政業經通諭飭遵並著一體

認真勸辦將案奏聞用副朝廷足食備荒至意欽此